

說文解字義證

說文解字第十二 義證第三十七

曲阜桂馥學



𪚩鳥也齊魯謂之乞取其鳴自呼象形凡乞之屬皆

從乞

鳥轄切

𪚩鳥也者徐鍇本作燕燕𪚩鳥也本諸燕𪚩鳥也釋鳥燕
燕𪚩詩燕燕于飛傳云燕燕𪚩也𪚩鳥傳云𪚩鳥𪚩也南
齊書顧歡傳昔有鴻飛天首積遠難亮越人以爲𪚩楚人
以爲乞齊魯謂之乞者初學記燕一名𪚩齊人呼乙
郭注爾雅齊人呼𪚩取其名自呼者呼當依徐鍇本作
講戴侗曰燕乞意而皆因其聲而命之象形者本諸𪚩
下云燕者請子之候
作巢避戍己故象形



乞或從鳥



通也從乞從子乞請子之候鳥也乞至而得子嘉美

之也古人名嘉字子孔

康董切

通也者本書倫三孔道德經孔德之容注云謂空虛能容也史記稱本紀爲匿空旁出注云空音孔太玄義次五孔道夷如注云通道也考工記注好壁孔也 乞請子之侯鳥也乞至而得子嘉美之也者本書焉下云燕者請子之侯嘉下云美也周書時訓解春分之日玄鳥至玄鳥不至婦人不娠詩天命玄鳥降而生商傳云春分玄鳥降湯之先祖有娥氏女簡狄配高辛氏帝帝率與之祈于郊禘而生契商頌譜有娥氏之女名簡狄者吞鵲卵而生契離騷簡狄在臺嵒何宜玄鳥致胎女何嘉注云言簡狄侍帝嵒於臺上有飛燕墮其卵嘉而吞之因生契鄭注月令高禘者啖助曰春秋時名嘉者多字孔顧炎武曰桓二年孔父嘉爲司馬杜氏以孔父名而嘉字非也孔父字而嘉其名按家語本姓篇曰宋湣公熙生弗父何何生宋父周周生世子勝勝生正考父考父生孔父嘉其後以孔爲氏然則仲尼氏孔正以王父之字而楚成嘉鄭公子嘉皆字子孔亦其證也鄭康成注喪禮曰某甫字也若言山甫孔甫是亦以孔父爲字說文孔從乙從子乙至而得子嘉美之也

古人名嘉字子孔容齋隨筆三代之時天下書同文故春秋左氏所載人名字不以何國大抵皆同鄭公子歸生魯公孫歸父蔡公孫歸生楚仲歸齊析歸父皆字子家楚成嘉鄭公子嘉皆字子孔鄭公孫段印段宋褚師段皆字子石鄭公子喜宋樂喜皆字子罕楚公子黑肱鄭公孫黑孔子弟子狄黑皆字子皙魯公子暉鄭公孫揮皆字子羽邾子克楚闕克周王子克宋司馬之臣克皆字子儀晉籍偃荀偃鄭公子偃吳言偃皆字曰游晉羊舌赤魯公西赤皆字曰華楚公子側魯孟之側皆字曰反魯冉耕宋司馬耕皆字曰牛顏無繇仲由皆字曰路馥案宋司馬耕本書作輕引春秋傳宋司馬輕字牛



人及鳥生子曰乳獸曰產從孚從乞乞者玄鳥也明

堂月令玄鳥至之日祠于高禘以請子故乳從乞請

子必以乞至之日者乞春分來秋分去開生之候鳥

帝少昊司分之官也

而主切

靈石楊氏采

人及鳥生子曰乳者書堯典釋文引同本書字乳也穀乳也
也學一乳兩子也孚卵孚也玉篇乳生也字也鳥之生子
曰乳一切經音義二蒼頡篇乳字也字也謂養子也廣
雅乳生也書堯典鳥獸萃尾傳云乳化曰華史記倉公傳
菑川王美人懷子而不乳索隱乳生也月令季冬雉雊雞
乳周書時訓解大寒之日雞始乳獸曰產者獸當為罍
方言凡人罍乳而雙產謂之釐華明堂月令玄鳥至之
日祠於高禰以請子者五經異義王者一歲七祭天地仲
春后妃郊禰亦祭天也盧植注禮云高禰居明顯之處故
謂之高月令仲春之月玄鳥至至之日以太牢祠於高禰
天子親往注云玄鳥燕也燕以施生時來巢人堂宇而孚
乳娶嫁之象也媒氏之官以為候高辛氏之世玄鳥遺卵
娥簡吞之而生契後王以為媒官嘉祥而立其祠焉變媒
言禰神之也鄭志王權問以注言之先商之時未有高禰
生民詩曰克禰克祀以弗無子傳以為古者必以高禰為
姜嫄禰祀上帝而生稷是則郊禰之祀非以生契之後立
也譙喬荅曰先商之時自必有禰氏祓除之祀位在南郊
蓋以元鳥至之口然其禰祀乃於上帝也娥簡吞乙子
有子之後後王以為禰官嘉祥祀之以配帝謂之高禰呂
氏春秋仲春紀是月也玄鳥至至之日以太牢祀于高禰

注云玄鳥燕也春分而來秋分而去傳曰玄鳥氏司啟者也周禮禋氏以仲春之月合男女於時也春則不禁因祭其神於郊謂之郊禋郊音與高相近故或言高禋王者后妃以玄鳥至日祈繼嗣於高禋詩玄鳥傳云玄鳥氏也春分玄鳥降湯之先祖有姚氏女簡狄配高辛氏帝帝率與之祈于郊禋而生契故本其為天所命以玄鳥至而生禹詩生民傳云弗去也去無子求有子古者必立郊禋焉玄鳥至之日以太牢祠于郊禋天子親往后妃率九嬪御乃禮天子所御帶以弓韉授以弓矢于郊禋之前饋餼禮當為禮謂醴酒也月令章句高禋祀名高猶尊也吉事先見之象蓋謂人所以祈子孫之祀也玄鳥感陽而至其來主為字乳蕃滋故重其至日因以用事簡娥以玄鳥至之日有事高禋而生契焉故詩云天命玄鳥降而生商后率九嬪御后者天子適妻也妃命也嬪婦也御妾也周禮天子一后三妃九嬪二十七世婦八十一御妾以應外朝公卿大夫之數也世婦不見卑者文畧御妾皆行世婦可知也后妃將九嬪女御皆為禋祭以祈孕姪乃醴天子所御帶以弓韉天子所御謂后妃以下至妾姪有萌芽者也韉弓衣也祝以高禋之命飲以醴酒帶以弓韉尚使得男也授以弓矢于高禋之前弓矢者男子之事也漢書枚舉傳武

靈石楊氏某

帝春秋二十九遷得皇子韋臣喜故臯與東方朔作皇太子生賦及立皇子謀祝顏注禮記月令祀於高禘高禘求子之神也武帝晚得太子喜而立此禘祠而令臯作祭祀之文也請子必以乞至之日云云者本書並下云二月萬物冒地而出象開門之形故二月為天門鄭注月令謂燕以施生時來故云開生之候鳥昭十七年左傳玄鳥氏司分者也注云玄鳥燕也以春分來秋分去呂氏春秋仲秋紀玄鳥歸注云玄鳥燕也春分而來秋分而去淮南地形訓燕雁代飛注云燕春分而來雁春分而去燕秋分而北雁秋分而南故曰代飛法言問明篇或曰奚取於朱鳥哉曰時來則來時往則往能來能往者朱鳥之謂歟注云朱鳥燕別名也廣雅朱鳥燕也夏侯湛玄鳥賦順陰陽以出處魏明帝短歌行翩翩春燕端集余堂陰匿陽顯節運自常僖五年左傳正義云春秋之半稱春秋分文子上仁篇陰陽調日夜分故萬物春分而生秋分而成生與成必得和之精故積陰不生積陽不化陰陽交接乃能成和注云此天地之氣和平故萬物得以生成也論衡說日篇日道夏北至東井冬南至牽牛故冬夏節極皆謂之至春秋未至故謂之分

文三 重一

𠂔

鳥飛上翔不下來也從一一猶天也象形凡不之屬

皆從不

方久切

𠂔

不也從口從不亦聲

方久切

本書口部有否字

不也者玉篇否可否也集韻否口不許也

文二

𠂔

鳥飛從高下至地也從一一猶地也象形不上去而

至下來也凡至之屬皆從至

脂利切

易飛從高下至地也者易小過彖有飛鳥之象馬王注不宜上宜下即飛鳥之象詩有駉騁于下周禮翼氏注鳥來下則拘其足淮南畢萬術人面擊地飛鳥自下注云取葉木為人形以鳥血涂人面以擊地飛鳥自下春秋文三年雨雩于宋何休云本飛從地上而下至地易臨卦至臨虞云至下也一猶地也者本書氏至也从氏下著一一地也一不上去者不翔之象而至下來者至下來之象樂記物至知知注云至來也雜記大功將至注云至來也本書來天所來也書太誓逸篇有火自上復于下至于王屋流為雩五至以穀俱來中候合符后注云赤鳥五至病五來夏小正來降燕乃睇降者下也言來者何也莫能見其始出也

古文至

從土與篆文從

一猶地意同

至

至也從至刀聲

都悼切

至也者釋詁文詩
韓奕靡國不到

至也

至也從至泰聲

側詁切

至也者釋詁薦臻也郭注薦進也臻至也故皆為臻臻
至也易坎象傳水洊至釋文引京房本作水臻至詩泉水
迤臻于衛傳云臻至雲漢鸛鳴薦臻傳云臻至也雨無正
則靡所臻箋云行而無所至楚柳子何其臻箋云臻至也
考工記嘉量銘允臻其極漢書武帝紀何施而臻此與司
馬相如傳及臻厥成顏注拉云臻至也王吉傳則福臻其
輟而社稷安矣顏
注臻與臻同至也

逌

逌戾也從至至而復逌逌逌也周書曰有夏氏之民

叨璽璽讀若摯

丑利切

逌戾也者廣韻璽叨璽也至而復逌逌逌也者本書逌
逌也兩逌字徐鍇本並作孫春秋莊元年夫人孫于齊閔
二年夫人姜氏孫于楚公羊穀梁云孫猶孫也禮學記入
學鼓篋孫其業也論語孫以出之皆以孫為逌字或作璽

集韻既午前卻也周書曰有夏氏之民叨懋者多方文彼云亦惟有夏之民叨懋傳云有夏之民貪叨忿懣而逆命釋文懣說文之二反懣案常云說文作懣之二反懣讀若擊者既夕禮注云朝摯也釋文作摯引字林竹二反

告

觀四方而高者從至從之從高省與室屋同意

切

釋宮闔謂之臺孫炎云闔積土如水清所以望氣祥也月令可以處臺榭注云闔者謂之臺禮器天子諸侯臺門鄭注闔者謂之臺疏云兩邊築闔為基是其形四方也定四年左傳邾子莒門臺杜云門上有臺古今注城門皆築土為之累土曰臺故亦謂之臺門也五經異義公羊說天子有臺以觀天文有時臺以觀四時施化有闔臺以觀鳥獸魚鼈諸侯當有時臺圍臺諸侯界不得觀天文無臺皆在闔之東南二十五里東南少陽用事萬物著見用二十五里者吉行五十里朝行暮反也

觀四方而高者觀即左傳雉門兩觀之觀本古觀門觀也釋名觀者於上觀望也月令可以居高明注云高明謂樓觀也襄三十一年左傳宮室卑庫無觀臺榭服虔注天子曰臺臺諸侯曰觀臺哀十七年傳衛侯夢于北宮見人

登昆吾之觀杜注衛有觀在於昆吾氏之虛宋玉賦昔者
 楚襄王與宋玉游於雲夢之臺望高唐之觀曹植七啟崇
 景山之高臺迎清風而立觀玉篇臺四方而高也釋名臺持
 也築土堅高能自勝持也釋宮四方而高曰臺公羊解詁
 四方而高曰臺書泰誓惟宮室臺榭陂池侈服傳云土
 高曰臺詩大雅經始靈臺傳云四方而高曰臺儔五年左
 傳公既視朔遂登觀臺以望杜注觀臺臺上構屋可以遠
 觀者也哀元年傳宮室不觀杜注觀臺榭傳又云今間夫
 差次有臺榭陂池焉注云積土為高曰臺呂氏春秋仲夏
 紀可以處臺榭注云積土四方而高曰臺魏志王觀字偉
 臺從之者當為從中從高省者本書高崇也象臺觀
 高之形與室屋同意者本書室從至至所止也屋從至
 至所至止



到也從二至人質切

本書蓬晉
 並從此

文六 重一

𠂔

鳥在巢上象形日在𠂔方而鳥棲故因以為東𠂔之

𠂔凡𠂔之屬皆從𠂔

先稽切

魏李仲璇孔子廟碑棲作西漢嚴發碑西遲衡門

鳥在巢上象形者弓象鳥因象巢日在𠂔方而鳥棲者

廣韻引作鳥西徐鍇本同故因以為東𠂔之𠂔者詩自

西自東淮南時則訓孟秋之月招搖指申其位西方白虎

通五行篇西方者遷方也萬物遷落也本書引徐巡說木

至西方

戰栗

棲

𠂔或從木妻

詩可以棲遲史記越世家保棲於會稽鄒遲云保山曰棲

猶鳥棲於木以避害也秦策猶連雞之不能俱止於棲

字或作栖後漢書陳蕃

傳車如雞栖馬如狗

𠂔

古文𠂔

不音讀古
天從此



籀文𠂔




姓也從𠂔圭聲

戶圭切

姓也者徐鍇引張說
梁四公記有望闕

文二 重三



𠂔方鹹地也從𠂔省象鹽形安定有鹵縣東方謂之

𠂔西方謂之鹵凡鹵之屬皆從鹵

郎古切

釋言鹵於鹹苦也於集韻引作
齡玉篇齡苦也廣雅作猶大也

𠂔方鹹地也者左傳正義一切經音義九引並同襄二十
五年左傳表淳鹵杜云淳鹵塉薄之地賈逵云淳鹹也天
生日南人生曰鹽鹽在正東方鹵在正西方也春秋昭元
年晉荀吳帥師敗狄于大鹵注云大鹵大原晉陽縣左傳

說文解字義證 卷三十七

七 連筠篠叢書

晉中行穆子敗無終及羣狄于大原注云即大南也公羊
經作大原傳云此大南也穀梁經作大原傳云中國曰大
原夷狄曰大南故謂大原西方也玉篇南鹹也釋名地不
生物曰南南鹹也如鎡火處也易說卦其於地也爲剛南
虞云澤水潤下故鹹釋文南鹹土也鹽鐵論輕重篇過郡
寒凍裂地衝風飄南晉書楊方傳荒萊之特苗南田之善
秀崔氏家傳崔瑗爲汲令開溝造稻田薄南之地更爲沃
壤寶宇記滄州鹽山縣鹹土在縣東七十里東西南北一
百五十里地帶海濱其土鹹南海潮朝夕所及百姓取而
煎之爲鹽從南省當從南省安定有南縣者地理志
同徐錯曰左傳晉有大南之地安定在晉也東方謂之
席同方謂之南者左傳正義引同一切經音義九天生曰
南人生曰鹽鹽在正東方南在正西方也爾雅十藪齊有
海隅郭注海濱廣斥地理志齊地負海易南釋言滿苦也
郭云滿苦地也玉篇滿苦地也引書海濱廣南字林滿鹽
地書禹貢海濱廣斥鄭注斥謂地鹹南史記夏木紀作廣
湯徐廣曰一作澤又作斥周禮草人凡糞種鹹渴用貍注
云湯南也管子輕重丁篇故山地者山也水地者澤也薪
芻之所生者斥也呂氏春秋魏文侯時吳起爲鄴令引漳
水以灌田民歌之曰波漳水以灌鄴旁終古斥南生稻梁

史記河渠書漑澤鹵之地索隱澤一作潞木或作斥史記
貨殖傳山東食海鹽山西食鹽鹵又云太公望封於營邱
地如潞徐廣曰湯鹵鹹地也漢書宣帝紀常困於蓬勾鹵
中如潞云通勾縣有鹽池縱廣十餘里其鄉人名為鹵中
顏注鹵者鹹地也今在棧陽縣東其鄉人謂此中為鹵鹽
池也則法志除山川沈斥顏注斥鹹鹵之地食貨志原陵
有斥章縣應劭曰其國斥鹵故曰斥章魏郡有斥邱縣關
駟曰地多斥鹵故曰斥邱論衡書解篇地無毛則為潞土
晉書束皙傳易鹵成原其利甚重水經注沮水云漑澤鹵
之地四萬餘頃白帖變雲雨於黃污化音腴於易鹵
通鑑魏宏農王謂涼州土地鹵瘠注云鹹地曰鹵

𩇑

鹹也從鹵𩇑省聲河內謂之鴉沛人言若虎昨何切

鹹也者廣雅同河內謂之鴉者類篇鴉鹹也河內語曲
禮鹽曰鹹鹺注云大鹹曰鹺今河東云沛人言若虎者

沛國有鄆縣
與鴉聲近

鹹

銜也北方味也從鹵咸聲胡兗切

銜也者廣雅同鹹銜管相近釋言鹹苦也郭注苦即大鹹
淮南地形訓鍊苦生鹹洪範潤下作鹹傳云鹹水鹵所生
史記主父偃傳地固澤鹹鹵北方味
也者月令孟冬之月其味鹹盛德在水

文三



鹹也從鹵監聲古者宿沙初作者煮海鹽凡鹽之屬皆

從鹽 余廉

周禮鹽人祭祀共其苦鹽散鹽注云鄭司農云散鹽凍治者
元謂散鹽鬻水為鹽禮又云凡齊事鬻鹽以待戒台注云鬻
鹽凍治之管子輕重甲篇今齊有渠展之鹽請君伐菹薪
煮沛水為鹽注云渠展齊地沛水所流入海之處可煮鹽之
所也郡國志岡州地退大海俗織竹為釜以蠟殼屑泥之
煮鹽轉久彌密本草岡經東海北海南海鹽者今滄密楚
秀溫台明泉福廣瓊化諸州官場煮海水作之以給民食者
又謂之澤鹽其煮鹽之器漢謂之牢盆今或鼓鑛為之或編
竹為之上下周以炭灰廣丈深尺平底實於窰背謂之鹽盤
南越志所謂鐵機為鼎和以牡蠣是也然後於海濱掘地為

坑上市竹木覆以蓬茅又積沙於其上每潮汐種沙南鹹淋於坑中水退則以火炬照之南氣衝火皆滅因取海肉注盤中煎之頃刻而就腹案宋黃魯直得已官錢盆今山東登州有古銅盆即煮鹽之器延篤與李文德書猷晉國郇瑕之鹽鐵論錯篇文帝時縱民得煮鹽又通有篇云若各居其處食其食則是胸南之鹽不出益州記汶山越嶲煮鹽法各異汶山有戲石先以水漬既而煎之越嶲先燒炭以鹽井水沃炭刮取鹽廣志鹽體因於水故多產於海濱以齊地記齊有皮邱坑民煮坑水為鹽色如白石魏畧漢令哀牢民家出鹽一斛以為賦晉令凡民不得私煮鹽犯者四歲刑主吏二歲刑魏書食貨志自遼郡後於涪瀾幽青四州之境傍海煮鹽魏書食貨志自遼郡後於涪瀾幽青里北盡漂榆東臨巨海民咸煮海水借鹽為業文心彫龍宗經篇是仰山而結銅煮海而為鹽也元和郡縣志萊州膠水縣有平度故城城西有土山古今煮鹽處寶宇記諸城縣濱海有南澤九所皆海潮侵揚久成鹹土以土煮鹽多收其利蒲臺縣海畔有一沙阜俗呼為闔口澁澁土有井可食百姓於其下煮鹽鹽城監古之鹽亭也歷代海岸煎鹽之

鹹也者鹽鹹聲相近 古者宿沙初作者煮海鹽者水經注
 引字林作夙沙徐鍇本同急就篇無英鹽鼓醢醢醬顏注
 鹽生於鹹水者也古者夙沙氏初煮海為鹽其後又出河
 東大鹵臨邛火井焉世本宿沙作煮鹽宋衷注宿沙齊魯
 公臣齊濱海故得為魚鹽之利孔融肉刑議夙沙亂齊魯
 連子宿沙瞿子善煮鹽使煮積沙雖十宿沙不能得也宋
 志宿沙衛在齊地齊居海濱故多魚鹽之利寰宇記安邑
 縣鹽宗廟在縣東南十里按呂忱云宿沙氏煮海謂之鹽
 宗尊之也以其滋潤生人可得置祠

鹽

河東鹽池袤五十一里廣七里周百十六里從鹽省

古聲 公戶切

范守己曰鹽者苦鹽之名 周禮鹽人祭祀共其苦鹽杜子
 春讀苦為監謂出鹽直用不凍治 宋史食貨志鹽類有二
 引池而成者曰顯鹽周官所謂鹽鹽也需海需井需燦而成
 者曰末鹽周官所謂散鹽也 潛夫論志氏姓苦城城名也
 在鹽池東北後人書之或為枯齊人聞其音則書之曰車燉
 焯見其字呼之曰車城其在漢陽者不喜枯苦之字則更書

之曰古坡氏竹書穆王十五年冬王觀於鹽澤後漢書
章帝紀幸安邑觀鹽池靈帝紀遣守宮令之鹽監穿渠為民
興利注云前漢地理志及續漢郡國志北無鹽監今蒲州安
邑縣西南有鹽池也顧案鹽監即鹽池北魏元雍奏云
鹽池天賦也御覽鹽池鹽生水中夕取朝復千車萬驢適
意多少集韻陳楚謂鹽池為鹽成六年左傳晉謀去故
絳大夫曰鄒瑕之地沃饒而近鹽服虔曰鹽池也漢書
貨殖傳猗頓用鹽鹽起顏注鹽池也於鹽造鹽故曰鹽鹽
唐博士崔敖曰鹽池乃黃河陰潛之功浸淫中條融為巨
浸淫野呂氏曰鹽池之成以大河北自蒲州折而東向轉
曲之閒漸漬畜雁有此奧衍七修類稿天地之元氣寓之
於水故水能載乎地也然水體輕清者則上浮而淡重濁者
則浚下而鹹故曰海鹹河淡鹽井有深至五六十丈者東南
卑下煮海為鹽易成而最廣所謂斥鹵潤下水泉鹹渾積而
成鹽耳沙漠有鹽澤河東有鹽池者又非是歟郭璞鹽池
賦水潤下以作鹹莫斯鹽之最靈傷峻嶽以發源池范爾而
海浮嗟玄液之潛洞羌莫知其所生王冀裕都賦東有鹽
池玉潔冰鮮不勞煮波成之自然續漢書民曹主緒功作
鹽池苑固陳旰源曰呂氏讀詩記引董氏曰說文煮海為
鹽煮池為鹽今說文並無董氏所云況池鹽乃風結成不用
火又得之矣

煮煮池語
尤為妄說

河東鹽池者徐鍇本河東上有古字獲謂古富為苦也二字鹽苦聲相近周禮苦鹽杜子春讀苦為鹽漢地理志河東郡安邑縣鹽池在西南晉地理志河東郡解縣有鹽池穆天子傳戊子至于鹽注云鹽鹽池今在河東解縣北山經景山南望鹽販之澤郭注即鹽鹽池也今在河東猗氏縣史記貨殖傳猗頓用鹽鹽起正義云河東鹽池是畦鹽作畦若種韭一畦天雨下池中鹹埃得均即畎池中水上畔中深一尺許以日暴之五六日則成鹽若白礬石大小如雙陸呼為畦鹽東觀漢記賈復為縣掾迎鹽河東水經注河水云沃水又東北流注鹽池地理志曰鹽澤在東北者也今鹽池西南去沃陽縣故城六十五里池水激湍闊而不流東西三十里南北二十里又注涑水云涑水西南逕鹽鹽縣故城城南有鹽池上承鹽水水出東南薄山西北流逕巫咸山北其水又逕安邑故城南又西流注于鹽池地理志曰鹽池在安邑西南許慎謂之鹽長五十一里廣七里周百一十六里从鹽省古聲呂忱曰夙沙初作煮海鹽河東鹽池謂之鹽今池水東西七十里南北十七里紫色激湍潭而不流水出石鹽自然印成朝取夕復終無減

損卅山水暴至雨澍潢潦奔決則鹽池川耗故公私其竭
水徑防其淫濫謂之鹽水亦謂之爲竭水山海經謂之鹽
販之澤也本草圖經河東鹽池今解州安邑兩池所種鹽
最爲精好解人取鹽於池旁耕地沃以池水每得鹽南風
急則宿夕成鹽滿畦彼人謂之種鹽太康地記鹽池在河
東安邑縣有司鹽都尉唐會要安邑解縣兩池置推鹽使
新唐書食貨志蒲州安邑解縣有池五總曰兩池歲得鹽
萬斛以供京師元和志解縣鹽池在縣東十里女鹽池在
縣西北三里東西二十五里南北二十里鹽味少苦不及
縣東大池鹽俗言此池亢旱鹽卽凝結如逢霖雨鹽則不
生實宇記解縣鹽池在縣東五里安邑縣鹽池在縣南五
里其池周迴一百一十四里許慎謂之鹽鹽呂忱曰宿沙
氏煮海謂之鹽河東郡鹽池在縣西南又云大歷十二年秋
注云安邑屬河東郡鹽池在縣西南又云大歷十二年秋
霖河中府池鹽多敗注云河中府管下安邑解縣皆有鹽
池閭若璩曰解縣與安邑縣鹽總謂之兩池官置使以領
之每歲收利納一百六十萬貫表五十一里廣七里周
百十六里者水經注後漢書注引竝同御覽引作表五十
里廣六里周一百一十四里左傳正義引作周總百一十六
里魏都賦注猗氏南有鹽池東西六十四里楊佺期雒陽

精蘊戶室之口也凡室之口曰戶堂之口曰門內曰戶外
曰門一扉曰戶兩扉曰門字書一扉曰戶兩扉曰門在於
堂室曰戶在於宅區域曰門玉篇戶所以出入也一扉曰
戶兩扉曰門急就篇門戶井竈廡周京顏注大曰門小曰
戶

𡩂 古文戶從木

汗簡引作𡩂 廣韻𡩂𡩂也一
曰小戶 通俗文小戶曰𡩂

𡩂 戶扇也從戶非聲 甫微切

戶扇也者一切經音義十一說文戶扇謂之𡩂集韻以木
曰𡩂以革曰扇襄二十八年左傳子尾抽楔擊𡩂三注云

扉門
闔也

𡩂 扉也從戶從敝省 式職切

扉也者廣雅同韻會引徐鉉本作戶扉也月令乃修闔扇
注云用木曰闔用竹革曰扇荀子華門不扇呂氏春秋知

見之罕不妄登 卷三十一 二 連筠錄叢書

張氏栞

按篇蓋以楊門之扇注云楊門門名扇屏也東觀漢記應奉嘗詣袁賀賀時將出行閉門造車匠於閭內開扇出半面視奉通鑑侯景以長柯斧斫東掖門羊侃擊扇為孔以槩刺殺二人注云扇門扇也從犛省者戴侗曰唐木从

羽徐本

𠂔

室在𠂔也從戶方聲待方切

室在𠂔也者房𠂔聲相近六書故房室𠂔夾室也釋名房𠂔也室之兩𠂔也成九年左傳季文子如宋致女復命公享之穆姜出於房再拜尚書大傳古后夫人侍於君前息燭後舉燭至於房中釋朝服襲燕服然後入御於君馥案古者宮室之制前堂後室前堂之兩頭有夾室後室之兩𠂔有東西房顧命在西方是也

𠂔

輜車𠂔推戶也從戶大聲讀與欽同徒蓋切

輜車𠂔推戶也者字林輜車有衣蔽無後轆者謂之輜馥謂有衣蔽故有𠂔推戶也射雉賦衷料反以徹鑒杜注定九年左傳蕙靈輜車名正義此車前後有蔽兩𠂔開蕙可以觀望蕙中豎木謂之靈今人猶名蕙木為靈子

𡩺 隘也從戶乙聲於革切

隘也者本書隘陋也陋阨陝也阨當為𡩺經典通作阨史記律書後且擁兵阻阨漢書諸侯王表至序阨陝河洛之閒應劭曰阨者狹也吳都賦邦有湫阨而踣跼俗又作阨昭元年左傳彼徒我車所遇又阨注云地險不便車定四年傳還塞大隧直轅冥阨注云二者漢東之隘道史記秦始皇本紀閉關據阨

𡩺 始開也從戶從聿治小切

始開也者廣韻𡩺開也離騷𡩺錫余以嘉名王注𡩺始也通作肇釋詁肇始也書舜典肇十有二州仲虺之誥肇我邦于有夏傳並訓始詩生民以歸肇祀維清肇禋傳並云肇始也小志肇允彼桃蟲箋云肇始也夏小正獬子肇肆肇始也逸周書謚法解肇始也漢書古今人表榮啓期顏注即榮啓期馥案肇當作𡩺𡩺與𡩺並訓開謀體𡩺作啓𡩺作肇與肇形近致誤後漢書班固傳肇自高而終平世注云肇始也晉尙書郎榮肇字朮初後漢和帝紀帝諱肇伏侯古今注肇之字曰始馥案帝名乃從戈之肇

戶

戶牖之閒謂之屨從戶衣聲

於登切

戶牖之閒謂之屨者釋宮文彼作牖戶郭注窗東戶西也禮云斧屨者以其所在處名之音義云禮有斧屨者形如屏風畫為斧文置於屨也因名為斧屨御覽引本書亦作牖戶通俗文奧內曰屨釋名屨倚也杜後所依倚也華嚴經音義引珠叢天子施屨於戶牖以為障蔽也顧命狄設黼屨綴衣牖閒南嚮傳云屨屏風畫為斧文置戶牖閒荀子儒效篇負屨而坐注云戶牖之閒謂之屨通作依詩公劉既登乃依箋云既登堂負屨而立觀禮天子設斧依于戶牖之閒注云依如今綈素屏風也有緇斧文所以示威也斧謂之黼土虞禮佐食無事則出戶負依南面注云戶牖之閒謂之依據此則土亦有屨惟天子畫斧文耳周禮司几筵王位設黼依依前南鄉鄭云依其制如屏風然曲禮天子當依而立明堂位天子負斧依南鄉而立注斧依為斧文屏風於戶牖之閒周書明堂解天子之位負斧依南面立魏書李謐明堂制度論引鄭氏三禮圖云屨縱廣八尺畫斧文於其上今之屏風也

戶

閉也從戶劫省聲

口盜切

閉也者廣韻閉戶曰反士喪禮徹帷注云徹帷屋之雜記
朝夕哭不帷注云緣孝子心欲見殯肆也既出則施其屋
鬼神尚幽闇也釋文屋字林戶屬反閉也纂文云古闇字
玉篇羌據公荅二反皆云闇也復案今玉篇云閉戶聲

戶

外閉之關也從戶同聲

古獎切

外閉之關也者李善引作外閉門之關也本書闕外閉也
廣韻局戶外閉闔曲禮入戶奉局注云局門闔木也莊子
肱篋篇局局矯釋文崔李云局關也呂氏春秋君守篇中
欲不出謂之局外欲不入謂之閉後漢書東夷傳門不夜
局注云局關也

文十 重一

門

間也從二戶象形凡門之屬皆從門

莫奔切

半門曰戶市象間門當作門 玉篇有古
文作門 唐解庄書浮圖贊碑俯蔭雲門

間也者門間聲相近廣韻門間也間也復案間當作間書
圖四門玉篇門人所出入也在堂房曰戶在區域曰門釋

說文解字義證

卷三十七

二

連筠修義書

名門也在外為人所捫摸也

從二戶者廣顧門字從兩戶

門

天門也從門昌營楚人名門曰閭闔

尺量切

天門也者夏小正四月初昏南門正南門者星也王希明
口南門天之外門也楚詞九歌廣開兮天門易林登崑崙
入天門樂府詩天門開蕩蕩前緩聲歌清輝溢天門
楚人名門曰閭闔者王篇閭闔天門也楚詞叫帝關使開
關兮倚閭闔而望于王注閭闔天門也吳越春秋子胥為
吳造大城立閭闔者象天門通閭闔風也御覽引吳地記
昌門者吳王閭闔所作也名曰閭闔門孫權記注閭闔吳
西郭門夫差作以天門通閭闔故名之顧案西方曰閭闔
風故以名西門淮南原道訓排閭闔鑰天門高注閭闔始
升天之門也天文大象賦儼排閭闔以洞開注云宮綺兩藩
正南門如門象者名閭闔西京賦表峽闔於閭闔五臣注
閭闔寇恂傳閭闔九重張衡傳出閭闔今降天塗注並云
閭闔天門三輔黃圖宮之正門曰閭闔注云閭闔天門也
宮門名閭闔者以象天門也

閤

宮中之門也從門韋聲

羽非切

宮中之門也者釋宮宮中之門謂之閤郭注謂相通小門也周禮保氏使其屬守王閤注云閤宮中之巷門明堂月令論禮記古大明堂之禮曰膳夫是相禮日中出南閤見九侯反問於相曰宮中側出西閤視五國之事日出入北閤視帝節猷爾雅曰宮中之門謂之閤王居明堂之禮又別陰陽門東南稱門西北稱閤故周官有門閤之學師氏教以三德守王門保氏教以六藝守王閤然則師氏居東門南門保氏居西門北門也月令問答問者曰中冬令曰奄尹中宮令謹門閤今曰門閤何也曰閤尹者內官也主宮室出入宮中宮中之門曰閤尹之職也閤里門非閤尹所主知當作閤也士虞禮記主婦亦拜賓注云拜之於閤門之內閤門如今東西掖門閤二年左傳賊公于武閤注云宮中閤小門謂之閤哀十四年傳攻閤與大門服注宮中之門曰閤吳語乃制匄將入棘閤注云閤門也漢書敘傳宮及貴君之門閤應劭曰宮中門謂之閤三輔黃圖閤閤宮中小門也西京賦天梁之宮寔開高閤薛綜注宮中之門謂之閤張淵觀象賦

注閤門宮中之門也

閤 閤謂之楠楠廟門也從門詹聲 余廉

引作檐王篇引語林大夫向閤而立

閤 巷門也從門玄聲 戶萌切

巷門也者王篇閤巷頭門也釋宮衙門謂之閤孫炎曰衙舍間道也李巡曰閤衙頭門也郭注左傳曰盟諸僖閤閤

閤頭門纂要巷門謂之閤襄三十一左傳高其閤閤杜注閤門也成十七年傳蒙衣乘輦而入于閤杜注閤巷門

圭 特立之戶上圓下方有似圭從門圭聲 古攜切

特立之戶者一切經音義十九引作特立之門也玉篇宮中門小者曰閤特立之門也洪武正韻引漢文翁傳出入

閤釋宮宮中之門謂之閤其小者謂之閤宣六年公羊傳有人荷畚自閤而出者何云宮中之門謂之閤其小者

謂之閤晏子內篇寡人欲朝夕見為天子築室于閤內可乎離騷閤中既遂遠兮注云小門謂之閤楊慎曰梁戴嵩

從軍行長安夜刺閤覆案大夫亦有閤史記晉世家使鉏麇刺趙

盾盾閨門開文選七發今大夫貴人之子必宮居而閨處
上闔下方有似圭者本書圭上闔下方荀子解蔽篇俯
而出城門以為小小之閨也注云閨小門也淮南汜論訓
夫醉者俛入城門以為七尺之閨也馥謂城門上闔下方
似閨故醉者誤以為閨

門合門旁戶也從門合聲古杏切

史記汲黯為東海太守臥閨內不出漢書韓延壽閉閨思
過謝承後漢書李膺使收縛鍾離意彭修排閨直入又華
松為司隸校尉閉閨不通私書獻帝春秋伍孚詣董卓語
畢辭出卓送至閨漢官舊儀問君侯應閨奴名白事以方
尺板叩閨大呼奴名

門旁戶也者釋宮小閨謂之閨說苑正諫篇景公正晝被
髮乘六馬御婦人以出正閨馥謂正閨別於旁戶也朱鶴
齡曰說文閨與閨異閨門旁小戶也漢公孫宏開東閨以
延賢人蓋避當門而東向開一小門引賓客以別於官屬
也顧炎武曰閨者門旁小戶也因設館於其旁即謂之閨
漢書公孫宏傳開東閨以延賢人師古曰閨者小門也東

向開之遊當庭門而引賓客以別於採史官屬如今官署
角門旁有延賓館是也故蕭望之傳言自引出閣而雋不
疑傳暴勝之為直指使者不疑至門勝之間閣延請毛晃
曰唐制天子日御前朝見羣臣日常參朝望御便殿見羣
臣謂之入閣前殿之立仗
自東西閣而入故曰入閣

閨

樓上戶也從門扇聲

徒盜切

樓上戶也者廣韻關門樓上屋也
司馬法鼓聲不過閭鞞聲不過闔

閨

門也從門干聲汝南平輿里門曰閨

侯旰切

門也者左傳釋文爾雅釋文玉篇廣韻增韻後漢書注文
選注竝引作閨一切經音義二十三篇廣韻增韻後漢書注文
雅閨里也御覽引風俗通閨城外郭內之里門也閨扞也
言為人藩屏以扞難也漢書敘傳綰自同閨應劭曰閨音
扞楚名里門為閨後漢書馬援傳援素與述同里閨又成
武孝侯順傳順與光武同里閨注云閨里門也通鑑唐高
祖令里閨相從立社注云閨閨也里門謂之閨汝南
平輿里門曰閨者郡國志汝南郡平輿注云見說文

門

里門也從門呂聲周禮五家為比五比為閭閭侶也

二十五家相羣侶也

力居切

月令孟夏門閭無閉書武成式商容閭呂氏春秋期賢
篇魏文侯過段干木之閭而弑之齊策女朝出而晚來則
吾倚門而望女暮出而不還則吾倚閭而望公羊解詁田
作之時春父老及里正旦開門坐塾上晏出後時者不得出
尊不持樵者不得入說苑正諫篇景公飲酒移於晏子家
前驅輟閭曰君至千寶晉紀總論外閭不閉晉書賈充
字公閭父達謂充後當有

充閭之慶故以為名字焉

里門也者書武成正義引作族居里門也史記曹世家云
令軍毋入釐負羈之宗族閭廣雅閭里也字林閭里門也
急就篇閭里鄉縣起薛論顏注里門曰閭周禮秋官敘官
脩閭氏注云閭謂里門成二年公羊傳相與踣閭而語何
云閭當道門史記萬石君傳萬石君徙居陵里內史慶醉
歸入外門不下車漢書陳勝傳發閭左戍漁陽九百人顏
注閭里門也張敞傳吏坐里閭閭出者顏注閭謂里之門
也于定國傳始定國父于公其閭門壞父老方其治之于

也于定國傳始定國父于公其閭門壞父老方其治之于

公謂曰少高大門閭令容駟馬高蓋車後漢書安帝紀縣表門閭注云里門謂之閭西都賦閭閻且千五臣注閭里門也昭十三年左傳遇諸棘閭杜云棘里名閭門也周禮五家為比比五比為閭者地官大司徒文被云地官令五家為比使之相保五比為閭使之相受又族師五家為比十家為聯五人為伍十人為聯四閭為族八閭為聯閭侶也二十五家相羣侶也者一切經音義二十二引作伴侶閭侶聲相近周禮閭胥鄭司農云二十五家為閭成元年穀梁傳相與立胥閭而語范云胥閭門名疏云即周禮二十五家也詩將仲子無踰我里傳云二十五家為里

閭

里中門也從門白聲

余廉切

里中門也者顏注急就篇同廣雅閭謂之街後漢書班固傳閭閻且千注云閭里中門也

閭

閭或從土

閭

市外門也從門貴聲

胡對切

市外門也者御覽引云閭閻市門也本書閭闔字廣韻闔闔市門纂要市巷謂之閭市門謂之閭古今注市牆曰闔

市門曰閤西京賦通關帶關注云關市營也市門曰閤吳都賦開市朝而皆納橫關而流溢五臣云關關市門也劉逵注蜀都賦關市巷也關市外內門也三輔黃圖長安城南北為會市閤門環列商賈居之庾信答移市教賣卜屠羊請辭新閤史記孟嘗君傳君獨不見夫朝趨市者乎明旦側肩爭門而入兩京記東京豐都市四面各開三門邸凡三百一十二區

閤

城內重門也從門壘聲詩曰出其閤切

於真

城內重門也者內當為曲文選謝瞻詩分手東城閤顏延之登已陵城樓詩登閤訪川陸李善注引作城曲重門也詩正義云說文云閤閤城曲重門謂閤為曲城九經字樣閤城曲重門也孫子謀攻篇攻城之法距堙三月而後已注云距堙者踊土稍高而前以附其城也馥案築土攻城有似於閤故曰距堙堙即閤劉繇子乘閤發機是也詩曰出其閤閤者鄭風出其東門文傳云閤曲城也正義閤是門外之城即今之門外曲城是也

閤

閤閤也從門者聲

當孤切

閨閨也者集韻引作閨閨城門臺也玉篇閨城門臺也釋言閨臺也郭注城門臺釋宮閨謂之臺郭注積土四方孫炎云積土如水渚所以望氣祥也詩出其閨閨傳云閨城臺也禮器天子諸侯臺門郭云閨者謂之臺

閨

門觀也從門欽聲

切去月

廣雅象魏闕也周禮大宰正月之吉縣治象之法于象魏使萬民觀治象郭云象魏闕也莊二十一年左傳鄭伯享王于闕西辟杜云闕象魏也服虔曰西辟西偏也哀三年傳魯災季桓子御公立于象魏之外命藏象魏口舊章不可亡也杜云象魏門闕淮南倂真訓身處江湖之上而神游魏闕之下高注魏闕土者門外闕也所以縣教象之書于象魏也魏闕高大故曰魏闕蜀志譙周嘗問杜瓊曰昔周徵君以為當塗高者魏也其義何也瓊答曰魏闕名也當塗而高聖人取類而言爾裴注引李雲上事云當塗高者魏也象魏者兩觀闕是也白虎通門必有闕者何闕者所以飾門別尊卑也漢官典職司徒府與蒼龍闕對廡於尊者不敢稱府三輔舊事未央宮東有蒼龍闕北有元武闕關者不取記未央宮東有青龍闕北有元武闕漢書所謂北闕者也又曰建章宮闕鳳在上故號鳳闕繫欽建章鳳闕賦上觀闕

以穹隆下矩折而繩直長楹森以駢停修桷揭以舒翼水

經注引頤容曰闕者上有所失下得書之於闕所以求論

人故謂之闕又水經注孔廟東南五百步有雙石

闕元初郡縣志伊闕山兩山相對望之若闕故名

門觀也者水經注穀水下後漢書班固傳注引竝同徐鍇

曰為二臺於門外作樓觀於上上負下方以其闕然為道

謂之闕以其上可遠觀謂之觀六書故宮城上為樓觀闕

其下為門所謂闕門也釋名闕缺也杜預兩旁中央缺然

為道也觀者於上觀望也釋名闕缺也杜預兩旁中央缺然

闕舊章懸焉使民觀之因謂之觀古今注闕觀也古每門

樹兩觀於其前所以標表宮門也其上古注闕觀也古每門

觀故謂之觀人臣將至此則思其所闕故謂之闕其可遠

升聖其下皆畫雲氣仙靈奇禽怪獸以昭示四方焉水經

注引風俗通魯昭公設兩觀於門是謂之闕禮記昔者仲

尼與於蜡賓事畢出游於觀之上注云觀闕也月令可以

居高明注云高明樓觀之屬昭二十五年公羊傳設兩觀

注云禮天子外闕兩觀諸侯內闕一觀春秋定二年雉門

及兩觀災杜云兩觀闕也哀元年左傳宮室不觀杜注觀

臺榭穀梁傳諸母兄弟不出闕門注云闕兩觀也韋述兩

京新記東京紫微宮城正南承天門外闕觀相夾三輔黃

龍之華云云

卷三十一

二

車奇多後學

圖闕觀也周置兩觀以表宮門其上可居登之可以遠觀故謂之觀李尤闕銘皇上尊嚴萬姓載依國都攸處建設端闕表樹兩觀雙闕巍巍魏志明帝作凌霄觀始構有賜巢其上侍中高堂隆曰起闕而賜巢不得居之像戶氏星經闕邱二星在河主天子門闕諸侯之兩觀也梁書何允傳允謂王果曰吾昔於齊朝欲樹雙闕世傳晉室欲立闕王丞相指牛頭山云此天闕也是則未明立闕之意闕者謂之象魏縣象法於其上浹日而收之象者法也魏者當塗而高大兒也今梁德告始不宜遂因前謬沈約上建闕表萬雉之外兩觀弗與空指南峯縣法無所邱仲孚傳初起雙闕以伸乎領大匠 歛聲

者風俗通同徐鍇本作厥省聲



門構櫨也從門弁聲 皮變切

門構櫨也者門與柱皆有構櫨本書格構櫨也枅尾櫨也櫨柱上枅也廣韻開構櫨戶上木釋宮開謂之誤郭注柱上櫨也亦名枅又曰櫨舍人云朱儒下小方木腹案下當為上開或作枅玉篇枅門柱上構櫨也



門扇也從門介聲 胡介切

門扇也者徐鉉本作
門扉也廣雅闔扉也

闔

門扇也一日闔也從門盍聲

胡臘切

門扇也者御覽引作門扉也徐鉉本作門扉釋宮闔謂之
扉月令仲春之月乃修闔扇注云川木曰闔用竹葦曰扇
呂氏春秋仲春紀乃修闔扇注云闔扇所以開鍵開所以塞月令
左傳凡啓塞從時服虔云闔扇所以開鍵開所以塞月令
仲春修闔扇孟冬修鍵開莊十二年公羊傳闔扇著乎門闔
何注闔扇襄十八年左傳以枚數闔杜注闔門扇也二十
八年傳子尾抽掬擊扉三杜注扉門闔也禮少儀排闥疏
云推門扇也史記樊噲傳排闥直入荀子儒效篇故外闔
不開注云闔門扇也呂氏春秋行論篇乃爲却四十里而
舍於盧門之闔注云盧門宋城門闔扉也通鑑東魏高永
樂不納高敖曹拔刀穿闔未徹而追兵至一日闔
也者本書闔闔門也繁文屋古闔字玉藻閨月則闔門左
扉襄十七年左傳吾儕小人皆有闔廬以辟燥溼寒暑注
云闔謂門戶閉塞定八年傳築者闔門注云閉門吳語乃
闔左闔填之以土楚詞天問何闔而晦何開而明注云言
天何所闔閉而晦冥何所開發而明曉乎吳越春秋王出

宮夫人送王不過屏因反闔其門韓詩外傳學而不已闔棺乃止蜀志杜瓊闔門自守不與世事後漢書班固傳張千門而立萬戶順陰陽以開闔後漢書鄧騭傳闔門靜居注云闔閉也

門

門梱也從門臬聲

切

門梱也者廣韻闔門中礙也釋宮賦謂之闔郭注門闔又械謂之代在地者謂之臬郭注即門際也曲禮出入若門由闔右注云闔門際玉藻君入門介拂闔又云公事自闔西私事自闔東字或作榮士冠禮布席于門中闔鄭注闔門際也古文作榮昭八年穀梁傳以葛覆質以為榮范注榮門中臬詩車攻傳裘纒質以為櫛釋文云櫛門中臬中論虛道篇聽不過闔榮之內

門

門楣也從門或聲論語曰行不履闕

于遍切

門楣也者木書楣限也限門楣玉篇闔門限也釋宮扶謂之闔郭注闔門限士冠禮闔西闔外注云闔闔也曲禮不踐闔注云闔門限也玉藻賓入不中門不履闔注云闔門限倍二十二年左傳見兄弟不踰闔杜注闔門限襄二十

七年傳牀第之言不踰闕杜注闕門限魯語闕門與之言皆不踰闕韋云闕門限也漢書王莽傳思不出乎闕顏注闕門極也後漢書和熹鄧皇后紀思不踰闕注云闕門限也班固傳仍增崖而衡闕注云闕門限論語曰行不履闕者孔注闕門限鄭注不當依闕之中央

閫 古文闕從洫

從洫者洫或聲相近

閫 門高也從門邑聲已郡有閫中縣
來石切

門高也者本書阮閫也顧謂阮閫猶窳窳王篇閫閫高門兒思元賦集太微之閫閫李善引字林閫高貌詩縣泉門有伉傳云伉高貌漢書揚雄傳閫閫閫其廖廓兮似紫宮之崢嶸已郡有閫中縣者地理志同

闕 開也從門辟聲房益切

開也者廣雅小爾雅並同釋言開闕也書舜典闕四門傳云開闕四方之門未開者宜二年左傳晨往寢門闕矣闕

說文之闕字

語作辟韋
注辟開也

開

虞書曰開四門從門從𠂔

此古文尚書字當以古文書之
古今字詁林開古開字關古關字

開

關門也從門為聲國語曰關門而與之言

韋委切

開門也者廣韻闕斜開門一切經音義七字詁闕今作闕
同三蒼闕小開門也字林闕開也闕也廣雅闕開也
語曰闕門而與之言者魯語公父文伯之母季康子之從
祖叔母也康子往焉闕門與之言皆不踰闕韋注闕闕也

單

開也從門單聲易曰闢幽

昌善切

開也者廣雅蒼頡篇並同聲類闢大開也後漢書班固傳
紹天闢繹者注云闢開也呂氏春秋波勝篇隱則勝闢矣
注云闢布也易曰闢幽
者繫辭文韓注闢明也

開

張也從門從𠂔

苦哀切

張也者道德經將欲弱之必故張之孔子弟子琴牢字子開亦字張

古文

書費誓序東郊不開
徐邈本作開音開

開也者本書析開也司馬法曰善者析民之善閉民之惡

廣雅開闢也方言開戶楚謂之闔注云亦開字也易繫辭
開物成務王肅本作闔詩載驅齊子豈弟箋云豈讀當為
闔考工記知者創物注云謂始闔端造器物若世本作者
是也吳志孫權傳童謠曰闔昌門出天子

大開也者廣韻闔大裂廣雅闔開也
言開括也其大者謂之闔急就篇鰲杆繁案栝闔盃顏注
開大栝也字或作盃廣雅盃栝也又通作栝東觀漢記今
日歲首請上雅壽注雅酒開也別作盃劉景升兒設有三

說文解字彙登

卷三十一

三

連筠移叢書

仲雅季雅

開

開閉門也從門甲聲

烏甲切

闕

閉門也從門必聲春秋傳曰闕門而與之言

兵媚切

開門也者詩闕宮又載馳我思不闕傳竝云闕閉也閔二年左傳今命以時率闕其事也注云冬十二月閔盡之時莊三十二年傳見孟任從之閔注云閔不從公春秋傳曰闕門而與之言者今無此文

閔

所以止扉也從門各聲

古洛切

所以止扉也者釋宮所以止扉謂之閔郭云門辟旁長楹也左傳曰高其開闕闕長杖即門槩也左傳釋文引爾雅云衙門謂之閔是也爾雅又云云所以止扉謂之閔然爾雅本止扉之名或作閔釋宮又云楹謂之杖大者謂之楹長者謂之閔廣雅闕止也

闕

闕也從門從月

古閑切

隱也者乃隙之誤小字本誤同李謝本徐錯本不誤小爾雅廣詁閒隙也襄三十一年左傳逢執事之不閒而禾得見昭十三年傳諸侯有閒矣哀二十七年傳故君臣多閒注並云閒隙也

閒

古文閒

閒

門傾也從門阿聲

烏可切

門傾也者廣韻閒阿欲傾貌上林賦坑衡閒阿郭璞曰閒阿相扶持也

閒

遮攤也從門於聲

烏割切

遮攤也者攤當為攤列子楊朱篇勿墮勿閒釋天太歲在甲曰閒逢李巡曰萬物鋒芒欲出旌過未通故曰閒逢漢書景十三王傳今臣雍闕不得問顏注雍讀曰墮雍塞也閒猶止也召信臣傳開通溝清起水門提闕顏注闕所以壅水高頤碑闕斷也組綫君大昕曰後漢書杜篤傳懸儼西戎馭與閒同離儼猶壅也馥案諸書通作過釋天在卯曰單闕李巡曰闕止也淮南天文訓作單過高注過止也左傳庚闕父陳球碑作過父呂氏春秋古樂篇民氣鬱

闕而滯著注云闕讀曰遏止之遇春秋繁露引書闕密入
音音大康地記西北之位陽所不及陰氣壅闕太平御覽
引作
壅遏

闕 開門門利也從門絲聲一曰縷十紘也

音流切

開闕門利也者徐鍇本門下有戶字本書絲弓便利也
謂絲隨從也隨從故利 絲聲者當作絲當云從門從絲
門亦聲 一曰縷十紘
者本書縷十縷為縷

闕 門啓也從門易聲

乙鑑切

門啓也者廣韻闕門扇聲韓
愈征蜀聯句詩我門呀嚕闕

鄉 門嚮也從門鄉聲

許亮切

門嚮也者當為鄉釋宮兩階間謂之闕注云人君南
鄉當階門也吳都賦肅肅階闕注云兩階間曰闕

東 門遮也從門東聲

洛干切

門遮也者字鑑引作門越也本書嶺關木也廣雅關遮也
戰國策無河山以關之孝經鉤命決先立春七日勅門關
無關綸以迎春之精史記楚世家雖儀之所甚願為門關
之無者亦無先大王通作蘭孟子既入其莖趙注莖蘭也
方言莖國也郭注謂蘭園也漢書王莽傳與
牛馬同蘭顏注蘭謂遮蘭之若牛馬蘭園也

闌

闌也從門中有木

戶闌切

木部重出闌
字後人加之

闌也者本書平闌善牛馬園也附闌足也廣雅闌闌也闌
止也易乾卦閑邪存其誠宋衷曰閑防也家人閑有家馬
融曰閑闌也書畢命雖收放心閑之維艱論語大德不踰
閑小德出入可也昭六年左傳是故閑之以義杜注閑防
也桓二年穀梁傳孔父閑也范云閑謂扞禦漢書百官表
龍馬閑駒注閑闌養馬之所也夏小正五月頒馬將閑諸
則馥謂閑當作閑詩比物四驥閑之維則是也從
門中有木者龍會引繫傳閑猶闌也以木垣門也

闌

闌門也從門才所以垣門也

博計切

靈戶楊氏

閤門也者易坤卦天地閉釋文引字林云閤也桓五年左傳閉摯而烝注云建亥之月昆蟲閉戶文子聖人法蟲蚌而閉戶才所以壅門也者月令修鍵閉正義引何氏曰鍵是門扇之後樹兩木穿上端為孔閉者謂將扇關門以內孔中

關

外閉也從門亥聲

五溉切

外閉也者本書扇外閉之關也廣雅礙閤也易大畜聞輿衛王注閉閤也乾鑿度凡五十所以大閤物而出之者也漢書律歷志該臧萬物而雜陽閤種也孟康曰閤臧塞也陰雜陽氣臧塞為萬物作種也晉灼曰外閉曰閤後漢書隗囂傳又多設支閤注云支柱障閤文選求通親親表隔閤之義殊於胡越

閤

閉門也從門音聲

烏紺切

閉門也者與書樂藹傳王寔為荆州刺史藹領州主簿或謂藹辭門如市寔遺規之方見藹閤閤讀書

闔

以木橫持門戶也從門弁聲

古還切



闔下牡也從門侖聲切

以木橫持門戶也者今呼腰闔玉篇闔局也廣韻橫闔

杜管類關所以開也方言關閉也三國典畧東魏以孫騰兼尚書左僕射府庫關鑰一以委之顧炎武曰關者所以拒門之木說文關以木橫持門戶也左傳臧孫紇斬鹿門之關呂氏春秋孔子之勁舉國門之關而不官以力問賈誼書豫讓曰我事中之行之若與帷而衣之與關而仇之魯連子魯若門關舉之以便則可以一指持中而舉之非便則兩手不能關非益加重手非加罷也彼所起者非舉勢也漢書楊惲傳有犇車抵殿門關折馬歾趙廣漢傳斬其門關而去宋書少帝紀突走出昌門追者以門關路之王鉞急傳軍人緣城得入門猶未及下關唐書李訓傳開者欲局鑰之為中人所此故關而不能下

闔下牡也者木書標學闔牡也一切經音義十六說文闔下牡也案為牡牡所以封因闔令不可開也馥案所引數見茲同未審何字之誤趙宦先曰闔今之鎖牡也釋典謂之戶鉤天官書有鉤鉗鍵開二星玉篇闔同闔令不可開廣雅闔戶牡也小爾雅廣服鍵謂之闔月令修鍵闔注云鍵牡開牡也正義云凡鑰器入者謂之牡受者謂之牝

闔下牡也者木書標學闔牡也一切經音義十六說文闔下牡也案為牡牡所以封因闔令不可開也馥案所引

俗云鍵鎖須開者鎖簡也蔡邕章句云鍵關
扉或謂之剡移酸案顏氏家訓亦作剡移廣韻
所以止扉也百里奚妻琴歌烹伏雖炊屋屋淮
盜距見節曰可以結壯高注壯門戶壯壯也漢
傳大道之要去健義服虔曰門戶健壯也翟方
壯開五行志章城門壯自臣顏注壯所以進傳
元傳關動壯飛辟為無道臣為非通作鑰蔡文
也人作鑰子鑰母非也方言戶鑰自關而東陳
之鍵自關而西謂之鑰一切經音義十關而東
文志鍵閉一星近鈎鈴主關鑰謂之天鍵東宮
四人對番上下南史梁元帝紀江夏宮南門鑰
法典傳法典臨久封開庫藏使家人謹錄鑰壯
林王別作鑰鈎夜開西州後閣注云鈎所以啓
鑰匙抱朴子堅玉鑰于命門又通作鑰書金滕
鄭注鑰開藏之管也王肅云鑰開藏占兆書管
管鑰注云管鑰搏鍵器也周禮司門掌授管鑰
門鄭司農云管謂鑰也鍵謂壯僖三十二年左
我掌其北門之管杜注管鑰也越語請委管鑰
取鍵器也引月令修鍵門慎管鑰趙策齊閔王
人投其鑰不果納易乾鑿度易者為道德苞鑰
鄭注齊魯

之開名門戶及藏器之管為籥淮南時則訓修鍵門慎管
籥注云鍵鎖須閉鎖簡管籥鎖匙史記蕭相國世家高祖
出征何每居守管籥通鑑梁臨川王宏
庫屋垂百開關籥甚嚴注云籥關牡也

闔盛兒從門眞聲

待年切

盛兒者當云闔闔盛兒本書噴盛氣也引詩振旅噴噴今
詩作闔爾雅釋天亦作闔廣雅闔闔盛也玉藻盛氣顙實
揚休注云顙為闔揚讀為陽聲之誤也盛身中之氣使之
闔滿其息若陽氣之體物也通作填藉田賦震震填填

闔闔盛兒從門堂聲

徒郎切

闔闔盛兒者通作堂
論語堂堂乎張也

闔豎也宮中奄闔閉門者從門奄聲

英廉切

豎也者御覽引云門豎也內豎倍寺人之數注云豎未冠
者又月令命奄尹申宮令注云奄尹主領奄豎之官也倍
二十八年左傳曹伯之豎侯獨杜云豎掌通內外者成十
六年傳穀陽豎獻欲於子反杜注內豎通鑑祖塏執政欲

黜諸奄豎注云豎重僕未冠者也新唐書姚崇傳后氏臨
朝喉舌之任出閹人之口臣願豎不與政可乎袁楚客
上魏元忠書閹豎者給宮掖掃除事古以奴隸畜之南史
傳粹傳小人在側宦豎弄權宮中奄閹閹門者者一切
經音義十說文閹豎宮中閹昏閉門者也周禮閹士人鄭
玄曰閹精氣閉藏者今謂之宦人也主閉門戶故曰閹王
篇閹宦人也閉門者也詩巷伯箋云巷伯奄官奄官上士
四人掌王后之命於宮中為近政謂之巷伯周禮天官敘
官內小臣奄上士四人又酒人奄十人注云奄精氣閉藏
者今謂之宦人守祧奄八人注云奄如今之宦者呂氏春
秋仲冬紀命閹尹高注閹宮官襄十七年左傳齊侯使夙
沙衛唁臧堅堅曰使其制臣禮於士注云夙沙衛奄人故
謂之制臣二十七年傳寺人御而出注云寺人奄士襄二
十九年公羊傳閹者何門人也制人也注云以制為閹解
非外儲說因令奄將宮人之美妾二十人并遺季也西都
賦閹尹閹寺五臣注閹寺皆制餘人掌宮禁門戶後漢書
宦者列傳易曰天垂象聖人則之宦者四星在皇位之側
故周禮置官亦備其數閹者守中門之禁寺人掌女宮之
戒又云王之正內者五人月令仲冬命閹尹審門閹謹房
室詩之小雅亦有巷伯刺讒之篇然宦人之在王朝者其

來舊矣將以其體非全氣情志專良通關中人易以役養
乎崔鴻前秦錄張蚝割陰白誓遂為關人後漢書楊秉傳
臣案國舊典宣登之官本在給使省閤司皆守夜資武
傳武白太后曰故事黃門常侍但當給事省內典門戶

閤

常以昏閉門隸也從門從昏昏亦聲

呼昆切

常以昏閉門隸也者御覽閤昏也門常昏閉故曰閤即守
門隸人也易說卦為閤寺宋衷曰閤人主門天官閤人掌
守王宮之中門之禁注云閤人司昏晨以啟閉門者荆人
墨者使守門中門於外內為中若今宮闕門詩召旻昏極
靡其箋云昏極皆奄人也昏其官名也正義云掌戮墨者
使守門宮者使守內別者使守圜則墨則皆亦為關非獨
宮則者矣但內門則用奄以守之其外門則用墨耳天子
五門雉門為中門是雉門以內用奄庫門以外用墨其圜
則用別也內則深宮固門閤寺守之注云閤掌守中門之
禁也春秋襄二十九年閤弒吳子餘祭注閤守門者唐
書許康佐傳帝讀春秋至閤弒吳子餘祭問閤何人郭李
訓曰古閤寺小宦人也董巴輿服志禁門曰黃閤中人主
之通鑑燕朱夫人矯詔絕內外遣閤寺傳問而已論語晨
門曰奚自何晏曰晨門者閤人也皇侃曰晨門守石門晨

言之角三言 卷三十一 三 靈石楊氏某

昏開閤之吏也莊十九年左傳醫季弗納杜注醫季楚大
閤釋文閤守門人也昭五年傳若吾以韓起為閤定二年
傳閤乞肉焉釋文閤守門人也祭統閤者守門之賤者也
離騷吾令帝閤開闔兮注云閤主門者也易以厲薰心虞
翻本作閤漢官解詁光祿勳動循閤也易曰為閤寺詩雨
無正論昏以鋪韓詩作薰漢書敘傳烏乎史遷薰昏以刑
馥謂遷受宮刑薰即閤也
昏亦聲者當為昏聲

閤 閤也從門規聲 去陸切

閤也者本書規下云規觀閤觀也玉篇觀盜視貌也字林
閤傾頭門內視也方言閤視也凡相竊視南楚謂之閤易
觀卦閤觀利女貞虞云竊觀稱閤豐卦閤其戶閤其无人
釋文引季登云小視馥案本書窺小視也論語何晏本閤
見室家之好成二年公羊傳踊于楮而閤客楚詞九歎望
南郢而閤之注云閤視也韓非子喻老篇不閤於牖可以
知天道老子作窺莊
子秋水篇用管閤天

閤 閤也從門絲聲讀若闌 洛干切

晏入宮掖也者初學記內至禁省爲殿門外出大道爲掖門應劭注漢書掖者言在司馬門之旁掖雒陽故宮名有南掖門北掖門東掖門西掖門三輔黃圖掖門在兩旁如人臂掖也漢宮中謂之禁中謂宮中門閤有禁非侍衛通籍之臣不得妄入傳元詩我家近宮掖玉篇闕妄也無符傳出入爲闕春秋浹賦兵所居比司馬闕入者髡周禮士師一曰宮禁注云古之禁書也矣今宮門有符籍又宮正幾其出入鄭司農云若今時宮中有罪禁止不得出亦不得人及無引籍不得入宮司馬殿門也讀若闕者賈誼書等齊篇天子宮門曰司馬闕入者爲城旦漢書成帝紀闕入尙方掖門景十三王傳相彊効繫倡闕入殿門汲黯傳而文吏繩以爲闕出財物如過關乎應劭曰闕妄也臣瓚曰無符傳出入爲闕也王嘉傳坐戶殿門失闕免顏注戶止也嘉掌守殿門止不當入者而失闕入之故坐免也外戚傳闕入殿中下獄當外酤吏傳譴責延年何以不移書宮殿門禁止大司農而令得出入宮於是覆劾延年闕內罪人法至外西域傳今邊塞未正闕出不禁顏注言邊塞有闕出逃囚之人而主者不禁續漢書五行志注引風俗通南宮中黃門寺有一男子長九尺服白衣黃門解步呵問汝何等人白衣晏入宮掖又云天戒若曰董卓不當

專制奪矯如白衣無宜闔入宮也唐書宦者傳有五局二曰宮闈扈門闔

門

登也從門二古文下字讀若軍敵之敵

直刃切

二古文下字者戴侗曰徐本从下唐本從上

門

闕頭門中也從人在門中

失冉切

闕頭門中也者一切經音義十七引作窺頭貌也又作字書作貼

門

具數於門中也從門說省聲

代雪切

具數於門中也者本書算從具與具也昭元年左傳弗去懼遜注云遜數也恐數其罪蕭該漢書音義引字林闔具數也廣雅闔數也書呂判闔實其罪正義云簡練核實多方克闔于乃邑謀介正義云謂簡閱其事春秋桓六年大閱賈逵云簡車馬於廟也襄九年左傳商人閱其禍敗之數必始於火杜注闔猶數也商人數所更歷恆多火災襄二十四年傳齊社蒐軍實杜注因閱數軍器二十五年傳數甲兵杜注閱數之昭十四年傳然丹簡上國之兵鄭康

成曰簡謂比數之周禮大田之禮簡眾也疏云簡閱也謂閱其車徒之數遂大夫簡樛器注云簡猶閱也又鄧長若歲時簡器與有司數之注云簡樛器也大司馬中冬敘大閱注云大閱簡軍實郊特牲然後簡其車賦而歷其卒伍注云簡歷謂算其陳列之也說省聲者徐錯本作兌聲

𡩂

事已閉門也從門癸聲

傾雪切

事已閉門也者一切經音義七引說文事已曰閉閤亦止息也終也史記留侯世家歌數閤索隱云謂曲終也說文云閤事已也趙案所引皆無閉門字詩節南山傳民心閤傳云閤息後漢書楊璇傳不閤時月注云閤息也燕禮記賓拜酒主人答拜而樂閤文王世子有司以樂閤注云閤終也大射儀樂閤注云閤止也呂氏春秋古樂篇投足以歌八閤注云閤終廣雅閤訖也文選七命繁肴既閤李善引若頌篇閤訖也漢書王莽傳轉掠求食日閤而已顏注閤盡也隨日盡也

𡩂

望也從門設聲

苦監切

單也者廣雅同或作瞰東都賦瞰
四裔而抗稜李善引字書瞰望也

闕

疏也從門沝聲

苦括切

疏也者廣雅同詩擊鼓于嗟闕兮漢書王莽傳闕其租賦
注云闕寬也諸葛豐傳閒何闕後漢書馬融傳憲令寬賒
文禮簡闕成公綏天地賦偉二儀之參闕虞翻別傳
公試策馬前行臣疏步能及之覆問疏步闕步也

闕

弔者在門也從門文聲

斜殞切

弔者在門也者劉向與子歆書董生有言弔者在門賀者
在闕玉篇傷痛為闕詩汝墳序婦人能闕其君子東山序
序其情而闕其勞賜賜子之闕斯箋云當哀闕之儀三
年穀梁傳一時言不雨者闕雨也范云闕憂也宣十二年
左傳寡君少遭闕
凶杜云闕憂也

闕

古文闕

上從古文
民當作爰

門

馬出門兒從馬在門中讀若柳

升禁切

馬出門兒者哀六年公羊傳開之則闢然公羊陽生也何注闢出頭貌釋文引字林云馬出門貌

文五十七

重六

闕

見闕下

遺文一

耳

主聽也象形凡耳之屬皆從耳

而止切

釋名耳形也耳有一體屬著兩盪形然

主聽也者當云主聽者也急就篇頭領頰頰眉目耳顏注目主聽者也

耳

耳坐也從耳下坐象形春秋傳曰秦公子耳者其耳

下垂故以為名

目垂也者列子湯問篇貊越之東有輒休之國釋文輒說文作𥇑目垂也蓋𥇑目之類是也春秋傳云云者案左傳有晉靈公輒衛出公輒魯叔輒叔孫輒而無秦公子耳秦公子當是鄭公子襄九年左傳公孫輒杜云子耳

𥇑 小垂目也從目占聲

小垂目也者玉篇引作小目垂篇海引作小目垂兒廣韻𥇑目小垂韻案𥇑目小垂𥇑目大垂

𥇑 大垂也從目宀聲詩曰士之𥇑兮

老聃呂氏春秋不二篇作老𥇑

目大垂也者淮南地形訓夸父𥇑目在其北方高云𥇑目垂在肩上詩曰士之𥇑兮者衛風岵文傳云𥇑樂也

作𥇑字解

𥇑 目曼也從目𥇑聲

耳曼也者廣前聘耳漫無輪本書錢讀若老聘藝文類聚
引抱朴子老子耳長七寸史記老子名耳字伯陽益曰聘
索隱云許慎云聘耳漫也故名耳字聘今作字伯陽非正
也瀨鄉記老子名耳號曰聘神仙傳老子一名重耳外字
聘老子碑銘聘然老旌之貌也曾子問吾聞諸老聘注云
老聘古壽考者之號也晉中興書孝宗穆皇帝諱聘字彭
子

聘

聘或從甘

聘

垂耳也從耳詹聲南方瞻耳之國

部甘切

史記鄭世家祝瞻
當作瞻左傳作聘

南方瞻耳之國者玉篇引作南方有瞻耳之國字或作瞻
大荒北經有瞻耳之國任姓注云其人耳大下僂垂在肩
上朱崖僂耳錢畫其耳亦以放之也漢書武帝紀僂耳都
應劭曰僂耳者種大耳樂率白謂王者耳尤緩下肩三寸
顏注字本作瞻後漢書南蠻傳珠崖僂耳二郡其渠帥貴
長耳皆穿而繼之垂肩三寸杜篤傳連緩耳瑱雕題注云
僂之耳字從登

綏耳耳下垂即僂耳也楊浮異物志僂耳南方夷生則刻
 鏤其頰皮連耳區分為數支狀如雞腸藥藥下垂至肩九
 州記哀牢人皆僂耳穿鼻其渠即自謂王者耳皆下肩三
 寸庶人則至肩而已水經注溫水云山海經曰離耳國彫
 題國皆在蠻水南林邑記曰漢置九郡僂耳與焉民好徒
 跣耳廣垂以為飾然則僂耳即離耳也呂氏春秋任數篇
 南撫多類北懷僂耳

𦍋

耳箸頰也從耳炯省聲杜林說耿光也從光聖省凡

字皆左形右聲杜說非也 古杏切


耳箸頰也者楚詞會頰倚耳曲眉規只炯省聲音集韻
 類篇通志六書故並引作娃省聲小字本作娃案本書娃
 從火圭聲讀若回口迴切小字本作讀若回口迴切此即
 元豐初王子韶陸佃重修所改又據以改炯為娃爾雅釋
 文娃巨頰反顧口井鳥攜二反王陸改娃字之音者據此
 也案郭注方言娃音口類反類誤為頰又轉為口井王陸
 不審輒改舊音失之杜林說耿光也從光聖省音書立
 政以觀文王之耿光又不釐上帝之耿命傳云耿光也晉

語其光耿于民矣注云耿猶照也 凡字皆左



連也從耳耳連於頰也從絲絲連不絕也 力延切

連也者廣雅同聯連聲相近一切經音義三聯亦連也謂相續不斷也周禮八濫治官府三日官聯以會官治部可於頰也者擊頰謂之掌耳 從絲絲連不絕也者一切經音義三引同本書綴聯也絲聯微也聲類聯縣不絕也非有先生論縣縣聯縣殆哉世之不絕也



耳鳴也從耳聃聲 洛蕭切

耳鳴也者蔡邕廣連珠臣聞目瞶耳鳴近夫小戒也楚辭耳聯喉而橫疏注云聯喉耳鳴字或作膠廣韻膠耳中鳴也埤蒼膠耳鳴王延壽夢賦作聯聯同 膠聯耳鳴王延壽夢賦作聯聯同



通也從耳呈聲 式正切

通也者廣雅同藝文類聚引風俗通聖者著也通也言其間聲知情通於天地調暢萬物自虎通聖人篇聖者通也

道也。稽也。道無所不通。明無所不照。聞聲知情。與天地合德。日月合明。四時合序。鬼神合吉凶。洪範睿作聖。傳云於事無不通。謂之聖。無逸此厥不聽。漢石經聽作聖。汗簡即字釋云。聽亦作聖。多方固可念。聽傳云。事無可念。言無可聽。案上文惟聖固念作狂。惟狂克念作聖。則念聽當為念聖。謂紂不念作聖也。說命后從諫則聖。馥謂從諫不逆於目。大傳思之不容是謂不聖。注云。心明日聖。孔子說休徵曰。聖者通也。大戴禮有保之蟲三百六十。而聖人為之長。鄉飲酒義。仁義接賓主有事。俎豆有數。曰聖。注云。聖通也。所以通賓主之意也。家語聖者德合天地。變通無方也。傳子聖人之通如天地。諸子之異如四時。四時相反。天地合而通之。神異經西南大荒中有人知河海水斗斛識山石多少。知天下鳥獸言語。知百穀可食。識草木鹹苦。名曰聖。一名先通。一名無不達。姚信士緯曰。聖人窮神知化。獨見先識。王觀國曰。古之人精通一事者。亦或謂之聖。漢張芝精草書。謂之草聖。隋劉臻精兩漢書。謂之漢聖。唐衛大經達於易。謂之易聖。嚴子卿馬綬明皆善圍棋。謂之棋聖。張衡馬忠皆善刻削。謂之木聖。蓋言精通其事而它人莫能及也。從耳者。楊慎曰。聲入心通之謂聖。故其字从耳。諡法聖聞周達曰昭。

聰

察也從耳息聲

紅切

察也者釋名釋聽不察也書洪範五事曰聽傳云察是非又聰目聰傳云必微諦詩免發尚寐無聰傳云聰聞也又小女或哲或謀傳云有明哲者有聰謀者箋引書聰作謀又敬之不聰敬止箋云耳不聰達於敬之之意秦策王何不聽乎高云聽察也楚詞七諫遭值君之不聰注云聰遠目聰

聽

聆也從耳聽王聲

他定切

聆也者釋名聽靜也靜然後所聞審也書太甲聽德惟聰士昏禮命之曰敬恭聽宗爾父母之言

聆

聽也從耳令聲

郎丁切

聽也者廣雅同廣韻聆以耳取聲一切經音義二十二引若胡篇聆聽也耳所聽曰聆淮南齊俗訓所居聆聆高注聆聆惠曉解也漢書敘傳姓聆孤而刻石兮

職

記微也從耳戠聲

之弋切

記微也者白虎通智者知也獨見前聞不惑於事見微者也經典通用從言之識以此職為官職又以職代議行之既久遂為借義所奪今人不知識為職之王文職為識之木字矣本書箋表識書也一切經音義十二引字林作表職書也本書史下云記事者也事下云從史職也餽案廣雅疏識也釋名記紀也紀識之也易大畜君子以多識前言往行以畜其德書益稷書用識哉周禮保享氏掌天星以志星辰日月之變動注云志古文識識記也內則記有成注云記猶識也檀弓小子識之論語默而識之又云賢者識其大者又云女以子為多學而識之者與史記孝武紀鼎文鏤無款識索隱識猶表識漢書劉向傳不可不識也元后傳尚頗識之顏注識記也後漢書虞詡傳以采經經賊裾為幟注云幟記也崔駰達旨大庭尚矣赫胥罔識凡識竝當作幟言出驚俗不遑顧矣

聒

謹語也從耳聒聲

古活切

謹語也者李善注長笛賦江賦引竝同廣韻聒啓擾一切經音義二十聒啓韻篇擾亂耳孔也字林誼語也鄭注盤庚聒讀如聒耳之聒王逸注九思多聲亂耳為聒襄二十六年左傳聒而與之語服注聒謹也莊子天下篇雖天下

不取強貼而不舍者也釋文云謂強貼其耳而語之也抱朴子春蛙長譁而聽音見患於貼耳

聾

張耳有所聞也從耳聾聲

王矩切

張耳有所聞也者聾頤篇聾驚也聾謂聞聲而驚也

聾

音也從耳聾聲聾籀文聾

書盈切

音也者本書音聲也生於心有節於外謂之音宮商角徵羽聲也絲竹金石匏土革木音也書舜典聲依永律和聲傳云聲謂五聲宮商角徵羽也樂記仲夏之月止聲色注云聲謂樂也詩白華鼓鍾于宮聲聞于外

聞

知聞也從耳門聲

無分切

知聞也者玉篇廣韻一切經音義十四並引作知聲也廣雅聞智也馥謂智即知字玉篇知覺也易繫辭百姓日用而不知書舜典子欲聞六律五聲八音論語子在齊聞韶三月不知肉味馥謂知聲忘味孟子子聞其樂而知其德

𦔻

古文從昏

從昏者昏不能察間則可知

聘

訪也從耳聘聲

匹正切

訪也者王篇訪問也書洪範王訪于箕子傳云就而問之釋言聘問也聘禮小聘曰問詩采薇靡使歸聘傳云聘問也隱九年穀梁傳聘問也荀子大畧篇聘問也

聾

無聞也從耳龍聲

盧紅切

無聞也者釋名聾龍也如狂朦朧之內聽不察也急就篇痴北疥癘痼聾盲顏注曰不聞聾曰聾倍二十四年左傳耳不聽五聲之和為聾晉語聾聾不可使驥注云耳不別五音之和曰聾文選七命百籟羣鳴聾聾其山李善引聾聾篇聾耳不聞韓詩外傳太平之時無瘖癰禮記王制作瘖聾

聾

生而聾曰聾從耳從省聲

息拱切

生而聾曰聾者俗作聾王篇引國語聽無聾也廣雅聾聾也方言言生而聾陳楚江淮之間謂之聾荆揚之間及山之

東西雙聲者謂之倍漢繁陽令楊君碑有司咎味莫能識察

𦣻

益梁之州謂𦣻為𦣻秦晉聽而不聰聞而不達謂之

𦣻從耳宰聲

作亥切

益梁之州謂𦣻為𦣻者廣雅𦣻𦣻也廣韻𦣻半𦣻方言半𦣻梁益之間謂之𦣻秦晉云云者字林方言並同

𦣻

𦣻也從巨貴聲

五怪切

𦣻也者徐鍇本作生𦣻也鍇曰謂從生即𦣻也一切經音義一國語𦣻不可使聽賈逵曰生𦣻曰𦣻一云𦣻無識曰𦣻廣雅𦣻𦣻八疾之一

𦣻

𦣻或從𦣻

本書額下云頭𦣻額也𦣻當作𦣻徐鍇本下有𦣻字云或从𦣻作

𦣻

無知意也從巨出聲讀若孽

主滑切

無知意也者廣韻瞶無所聞也集韻瞶預無志
鬼郭注方言秦晉謂之瞶注云言無所聞知也

瞶

吳楚之外凡無耳者謂之瞶言若斷耳為盟從耳瞶

瞶 五滑切

吳楚之外凡無耳者謂之瞶言若斷耳為盟者盟當為明
方言瞶之甚者秦晉之閒謂之瞶吳楚之外郊凡無耳者
亦謂之瞶其言瞶者若秦晉中土
言瞶耳者明也明俗本譌作明

眚

軍法以矢貫耳也從耳從矢司馬法曰小罪眚中罪

眚大罪剄

剄 剄切

軍法以矢貫耳也者貫當為毋信二十七年左傳子玉復
治兵於蔿鞭七人貫三人耳正義云耳助句也復謂貫耳
即眚也司馬法曰小罪眚中罪剄大罪剄者廣韻司馬
法曰小罪眚眚謂以箭貫耳復謂剄當為剄本書則斷耳
也

賊

軍戰斷耳也春秋傳曰以為俘賊從耳或磔

古獲切

軍戰斷耳也者玉篇引作戰而斷耳也本書取下列司馬法載獻賊者耳也一切經音義四生獲斷耳曰賊廣韻賊賊耳釋詁賊獲也郭注今以獲賊耳為賊詩泮水在泮獻賊箋云賊所格者之左耳正義云謂臨陣格殺之而取其耳也皇矣攸猷安傳云賊獲也不服者殺而獻其左耳曰獻僖二十二年左傳示之俘賊杜云賊所截耳二十八年傳獻俘授賊宣二年傳俘之俘賊杜云賊所截耳二十九年傳右人壘折賊杜云折敵斷耳家語致思篇舉旗執賊注云賊截耳也以效獲也王制出征執有罪反釋奠於學以訊賊告注云訊賊所生獲斷耳者賊或為國腹案斥彭長田君碑討賊畔夷隸續云即賊字漢書律歷志乃以庶國祀賊於周廟顏注截耳曰賊春秋傳曰以為俘賊者成三年左傳文彼作賊本書俘下列作賊

賊

賊或從晉

輿論賊首虜以萬計詩釋文引字林截耳則作耳旁獻首則作首旁

帖民境又謫為從巾之帖信四年公羊傳卒帖荆告書載
記王猛至鄴遠近帖然南齊書劉係宗傳百姓安帖王逸
楚辭敘事不安帖陸機文賦或安帖而易施又作貼通
鑑李泌曰泌到自安貼矣注引史炤云貼伏也亦作帖

𠂔

附𠂔私小語也從三𠂔

尼軌切

附𠂔私小語也者本書無附字史記天官書畢曰罕車其
大星旁小星為附𠂔本書曰𠂔語也廣韻𠂔語細語魏其
武安侯傳乃效女兒𠂔𠂔𠂔𠂔語集解云韋昭曰𠂔𠂔附𠂔
小語聲通鑑崔威舉觴罰裴度曰丞相不應許所由官𠂔
𠂔𠂔語注云𠂔𠂔細
語口動而聲不遠聞

文三十二

重四

𠂔

告也從𠂔𠂔聲

韻會引又云或作𠂔通作𠂔禮記𠂔于鬼神注云告致也馥
案玉篇𠂔之忍切埤蒼云告也禮記曰𠂔于鬼神亦作𠂔廣
韻𠂔告也集
韻𠂔告也

此為篆文是臣為占
文小篆因而未變者



籀文從省

從省即古文百
也文當作省



廣臣也從臣已聲

與之切

廣臣也者經典但取廣義又通作熙昔堯典庶績成熙傳
云熙廣也舜典有能奮庸熙帝之載傳云廣多方爾曷不惠王熙天
稷百工熙哉傳云百官之業乃廣多方爾曷不惠王熙天
之命傳云廣天之命襄二十九年左傳廣哉熙熙乎周語
熙廣也



古文𠂔從戶

九經字樣雜辨部尾𠂔上說文下
經典相承馥謂唐本戶在巳上

文二 重三